

金匱玉函經二注

金匱玉函經衍義補註序

聞之天有六氣。感於人而皆能爲病。病各不類。靈素言之詳矣。東漢張長沙始分寒之感人。爲傷寒病。著傷寒卒病論。五氣之感人。爲雜病。著金匱玉函經。似重傷寒而輕雜病。故自漢迄今。註傷寒者。不下百家。註金匱者。寥寥數人而已。夫寒之感人。其中傷也有經傳變也。有時愈甚也。有日至五氣之感人。其受也非朝伊夕。其發也。亦必累月經年。或一氣而證現二三。或數氣而合形一證。變幻多端。纏綿沉痾。最費經營。長沙之獨立傷寒爲一論者。良以寒之感人。爲病

迅速不若他氣之感人。可從容遲緩以施治之意耳。非直謂雜病之輕於傷寒也。余門人周子禹載深識此意。謂二書爲業醫之指南。猶業儒之五經四子。不容畸重。爰濡首覃精。數十年間。於傷寒則彙爲三註。於金匱則宗宋趙以德先生衍義。其間有缺略而未備者。則爲補之。或有已發而義未盡者。則爲暢達之。號曰補注。直使長沙之精意與旨躍躍紙間。昔許學士有云。吾讀仲景之書。識仲景之意。而未嘗純用仲景之方。乃爲深得仲景之心。夫周子可謂深得仲景之心者矣。故其察病也。必究極根蒂。用藥也。必精切。

不虞余監司上谷時以子婦疾日擊其奇因請其所
註二書已心知爲長沙功臣矣及余奉藩江南值疫
癘爲禱延周子設藥制方全活甚衆乃輯暑疫全書
梓以告人遂梓其傷寒三註今余撫楚南駐節於長
沙夫長沙固仲景當日所治之郡也雖其守是郡時
尚未精究方術竊謂醫聖宦遊之地聲施所被尤繫
人心則茲鄉之業是道者必當讀其書而精其意定
有出於尋常萬萬者而何虞其不盡然也適周子自
吳門買棹來長沙余因詢其所註金匱一書則曰攜
之笥中急取而付棗梨先以布之楚南庶湖湘間將

來之得免天札焉。嗟乎。自有金匱以來。千有餘歲。未
有能暢發其旨者。今得周子之補註。洞若觀火。快人
心目。世之業是業者。不慮入室之無門。則世之病是
病者。又何慮不霍然於旦夕行。且遍傳字內。垂諸後
世。所以躋斯民於仁壽者。草野與有微權。非周子之
謂乎。獨怪世之攻醫者。既不能精究軒岐之旨意。復
不能參考長沙之緒餘。而徒執一定之證。守一定之
方。視爲鴻寶。奉爲秘錄。嘵嘵然以誇於人曰。吾家學
也。覩周子之書。夫亦可以廢然返矣。予向不知醫。自
周子以二書示予。予讀之而識其源流之所在。因爲

詳叙云

康熙二十六年歲次丁卯秋七月穀旦

巡撫徧沅等處地方提督軍務兼理糧餉都察院右

副都御史廣寧丁思孔題

自序

嘗思事不師古其法不立師古而不師聖人其理不
精聖人每於禮樂教養之外凡可以愛護施民者無
所不至視人疾痛如在乃身故仲景既著傷寒論垂
萬世法而復出其心思著金匱玉函經爲雜證矩範
使天下後世有志此者於此啟悟以拯濟斯人固聖

金匱二註序

人無已之心不易之學也後之學者若東垣之脾胃
河間之溫熱丹溪之濕熱王安道之經論易思蘭之
發明薛立齋之虛弱莫不各擅其長要皆得力於此
今之學者能稱述諸家而不知溯流窮源上稽聖訓
積數十年之敏悟爲百尺竿頭之進步終爲淺寡而
已矣然則要略爲雜病方圓之至也爲方不多立論
殊少其間推測病由如六淫之氣七情之感府藏之
傷及湯丸之補泄氣味之緩急罔不畢備有志之士
苟待其二三已足名世及觀從來註釋諸家未能久
讀其書豈能心知其意又何從闡發其理邇者程公

雲來徐公忠可各有疏註行世已足發揮底蘊表彰
絕業獨趙以德先生衍義理明學博意周慮審本軒
岐諸論相爲映照合體用應變互爲參酌庶幾大道
之明也惜乎未有梓本讀者甚少更有遺編註逸頗
缺余購之二十餘載未得全璧因不揣疎陋擬爲補
註又大半採嘉言之議融會成之而續貂之謂知不
免也倘海內君子有志以斯道自任者如脈訣藥性
賦回春入門等書決不可讀幸免力於聖論無自安
於苟且庶不負前聖立說之誨也

康熙二十六年秋月吳門周揚俊識於星沙寓中

趙良本字主道其先出宋周王元徽至良本凡十世矣六世祖士融為廣州馬
鈴轄高宗時其遷睦士融子保義郎不貽復自睦遷浦江良本從其子吳
萊通徙史大司多不喜專精童山曰有得於心輒見於行事姊歸樓氏妻夫
二子楨楨幼弱族利其資恩何計傾之楨怒官奉報天死長老馬商之者
為言於縣之擇可托死者皆曰真如良本遂昇以土田家貧良本視郭
如己王其還其諸無絲髮於其行事不苟類如此初柳先生買命良本從
朱震亨遊震亨儒者兼通醫術嚴毅不妄許可獨喜良本書以術
授之良本日多飲及物而患多其道今得之矣遂發其術治病者雲人未
求藥不問其直御史庠于朝授官壁學正名就顧子友昌且長遂以家
事居之嗣一室以居自號太初子研摩春生之誼朝夕一若本御鹽鹽
蔬茹成者不舉等是嚴寒不附火踰三十年須髮不少之疾人望之以為真
仙人而良本之若多而自得入其間也二日忽曰明日良本將歸矣良本
預書銘其僦居與正坐竄一孟粥斂手瞑目城之則逝矣時洪武六
年二月庚子壽七十

張仲景金匱玉函經二註目錄

臟腑經絡先後第一卷

猪苓湯

見消渴中

痙濕喝第二卷

栝藭桂枝湯

葛根湯

大承氣湯

麻黃加朮湯

麻黃杏仁薏苡甘草湯

防己黃芪湯

桂枝附子湯

白朮附子湯

甘草附子湯

人參白虎湯

一物瓜蒂散

百合狐惑陰陽毒第三卷

百合知母湯

滑石代赭湯

百合雞子湯

百合地黃湯

百合洗方

括蕤牡蠣散

百合滑石散

甘草瀉心湯

苦參湯

本文缺見麗安時傷寒總論
苦參半筋槐白皮根各四兩

雄黃薰方

赤小豆當歸散

升麻龍甲湯

升麻龍甲去雄黃蜀椒湯

瘡病第四卷

鼈甲煎丸

白虎加桂枝湯

蜀漆散

附牡蠣湯

附柴胡去半夏加栝蒌湯

附柴胡桂薑湯

中風歷節第五卷

侯氏黑散

風引湯

防已地黄湯

頭風摩散

桂枝芍藥知母湯

烏頭湯

礬石湯

附古今錄驗續命湯

附千金三黃湯

附近效木附湯

附崔氏八味丸即八味腎氣丸附千金越婢加木湯

血痹虛勞第六卷

黃芪桂枝五物湯 桂枝加龍骨牡蠣湯

小建中湯 黃芪建中湯即小建中加黃芪

八味腎氣丸方見婦人雜病中薯蕷丸

酸棗湯 大黃廕蟲丸

附千金翼炙甘草湯

肺痿肺癰欬嗽上氣第七卷

甘草乾薑湯 射干麻黃湯

皂莢丸 厚朴麻黃湯

澤漆湯

麥門冬湯

葶藶大棗瀉肺湯

桔梗湯

越婢加半夏湯

小青龍加石膏湯

奔豚氣第八卷

奔豚湯

桂枝加桂湯

茯苓桂枝甘草六棗湯

胸痺心痛短氣第九卷

栝蒌薤白白酒湯

栝蒌薤白半夏湯

枳實薤白桂枝湯

人參湯

茯苓杏仁甘草湯

橘枳生薑湯

薏苡附子散

桂枝生薑枳實湯

赤石脂丸

九痛丸

腹滿寒疝宿食第十卷

厚朴七物湯

附子粳米湯

厚朴三物湯

大柴胡湯

大承氣湯

方見前
瘕病中

大建中湯

大黃附子湯

赤丸

千金有射罔
如大棗一枚

大烏頭煎

當歸生薑羊肉湯

烏頭桂枝湯

大承氣湯

方見前
瘕病中

瓜蒂散

五臟風寒積聚第十一卷

旋覆花湯

謝古等按諸本旋覆花皆同方見婦人雜病中

麻子仁丸

甘草乾薑芩朮湯

痰飲欬嗽第十二卷

桂苓朮甘湯

腎氣丸

方見婦人雜病中

甘遂半夏湯

十棗湯

大青龍湯

小青龍湯

木防已湯

木防已加茯苓芒硝湯

澤瀉湯

厚朴大黃湯

小半夏湯

已椒蘆黃丸

小半夏加茯苓湯

五苓散

附外臺茯苓飲

十棗湯

方見上

小青龍湯

方見上

桂苓五味甘草湯

桂苓五味甘草去桂加薑辛湯

苓甘五味加薑辛半夏湯

苓甘五味加薑辛半夏杏仁湯

苓甘五味加薑辛半夏大黃湯

小半夏茯苓湯

方見上

消渴小便不利淋第十三卷

腎氣丸

方見婦人經中

五苓散

方見痰飲中

文蛤散

栝蒌瞿麥丸

蒲灰散

滑石白魚散

茯苓戎鹽湯

猪苓湯

水氣第十四卷

防已黃芪湯腹痛加芍藥

越婢湯

防已茯苓湯

越婢加朮湯

見中風門

甘草麻黃湯

麻黃附子湯

杏子湯

右等按未見恐是麻黃杏仁甘草石膏湯

蒲灰散

方見消渴中

芪芍桂酒湯

桂枝加黃芪湯

桂枝去芍加麻辛附子湯

枳朮湯

附外臺防己黃芪湯

方見風溼中

黃疸第十五卷

茵陳蒿湯

硝石礬石散

梔子大黃湯

桂枝加黃芪湯

方見水氣中

猪膏髮煎

茵陳五苓散

大黃硝石湯

小半夏湯

方見痰飲中

柴胡湯

小建中湯

方見血痹虛勞中

附瓜蒂湯

方見陽病中

附千金麻黃醇酒湯

驚悸吐衄下血胸滿瘀血第十六卷

桂枝去芍藥加蜀漆牡蠣龍骨救逆湯

半夏麻黃丸
栝葉湯

黃土湯
赤小豆當歸散

方見厥陰中

瀉心湯

嘔吐噦下利第十七卷

吳茱萸湯
半夏瀉心湯

黃芩加半夏生薑湯
小半夏湯

方見痰飲中

猪苓湯
四逆湯

小柴胡湯

大半夏湯

大黃甘草湯

茯苓澤瀉湯

文蛤湯

半夏乾薑散

生薑半夏湯

橘皮湯

橘皮竹茹湯

四逆湯

方見上

桂枝湯

大承氣湯

方見卷中

小承氣湯

桃花湯

白頭翁湯

梔子豉湯

通脈四逆湯

紫參湯

訶梨勒散

瘡癰腸癰浸淫第十八卷

薤苈附子敗醬散

大黃牡丹湯

王不留行散

黃連粉

方缺

跌蹶手指臂腫轉筋陰狐疝蚘蟲第十九卷

藜蘆甘草湯

方缺

雞屎白散

蜘蛛散

甘草粉蜜湯

烏梅丸

婦人妊娠第二十卷

桂枝湯

方見下
利中

桂枝茯苓丸

附子湯

方缺

芎歸膠艾湯

當歸芍藥散

乾薑人參半夏丸

當歸貝母苦參丸

葵子茯苓湯

當歸散

白朮散

婦人產後第二十一卷

小柴胡湯

方見嘔吐中

大承氣湯

方見瘕瘕中

當歸生薑羊肉湯

方見寒疝中

枳實芍藥散

下瘀血湯

大承氣湯

方見瘕瘕中

陽旦湯

即桂枝加黃芩

竹葉湯

竹皮大丸

白頭翁加甘草阿膠湯

附千金三物黃芩湯

附千金內補當歸建中湯

婦人雜病第二十二卷

小柴胡湯

方見嘔吐中

半夏厚朴湯

甘麥大棗湯

小青龍湯

方見肺痿

瀉心湯

方見驚悸中

溫經湯

土瓜根散

旋覆花湯

膠薑湯

古等校諸本無膠薑湯想是膠艾湯

大黃甘遂湯

抵當湯

礬石丸

紅藍花酒

宋太祖子周恭帝元

備齊於南陽伊

鍾書

卷之四

新書通記

卷之四

後元賜北極石

五土即五貨
載

卷之三

當歸芍藥散

小建中湯方見虛

腎氣丸

蛇牀子散

狼牙湯

膏髮煎方見黃

二十三至二十五三卷俱有方無論不註因不具

載詳金匱要略篇中

趙良仁字以德其先於宋有屬藉良仁少試吏憲司即棄去從

丹溪朱君脩學醫治療多有奇效名動浙西東所著醫學

宗旨金匱方衍義并丹溪藥要奇書張氏據吳良仁等

家去浙後復采吳占籍長洲以高壽終子友同自有傳志

結符

此篇為學子
治病者必
起例而謂
一陽三反者
是也諸君
當知此意

金匱玉函經二篇卷一

吳門周揚俊補註

黃寧丁思孔定

然朱陶性校印

臟腑經絡先後病脈證第一

論十三首方一首脈證二條

問曰上工治未病何也師曰夫治未病者見肝之病
知肝傳脾當先實脾四季脾王不受邪即勿補之中
工不曉相傳見肝之病不解實脾惟治肝也夫肝之
病補用酸助用焦苦益用甘味之藥調之酸入肝焦
苦入心甘入脾脾能傷腎腎氣微弱則水不行水不
行則心火氣盛心火氣盛則傷肺肺被傷則金氣不

肝虛用此法
 謂補用酸
 以用甘味
 以其酸入
 肝以下五
 句在肝中
 果原知補
 氏注用什
 經注中
 多支離之
 傳

行金氣不行則肝氣盛肝氣盛則肝自愈此治肝補

脾之要妙也肝虛則用此法實則不可用之經曰虛

虛實實補不足損有餘是其義也餘藏準此

經謂五藏相傳者又是藏氣因邪併之邪正相

合發動則有餘故得傳於不勝也今乃云肝虛虛

證知其傳脾然肝虛必弱弱則必為所勝者尅矣

能傳於不勝也藏氣法時論曰肝欲補急食辛以

補之欲瀉以酸瀉之今云乾虛之病補用酸又奚

為與內經相反也試嘗思之金匱首篇之所叙者

由人稟五行氣味以成形成則聲色漸著於是

故曰治未病
 謂病之可
 以遷延不
 愈者不身
 本藏之病
 而身相傳
 不已則病
 乃深如木
 西克土之
 類之氣也
 先安其
 有治肝之
 要即為治
 諸藏之接
 法也

四者日行變化於身形之中未嘗斯須離也故列
 於篇首以為治病之規範此條特明於味者耳夫
 陰陽者在天為風寒濕熱燥火之氣在地成水火
 金土木之形在人化辛酸鹹苦甘之味是故人之
 五藏從五行生數配其奇偶互成體用天一生水
 在體為精在氣為寒地二生火在體為神在氣為
 熱精與神配寒與熱配二者形之始著自合一奇
 偶也天三生木在體為魂在氣為風地四生金在
 體為魄在氣為燥魂與魄合風與燥配居形生成
 之中亦合奇偶然生物者氣也成之者味也以奇

沈氏云：肝
 用則法此指
 陽虛而用外
 肝之虛也
 而用之肝
 而不能工外
 胃之生發
 肝無健運
 水與土相
 之虛與得
 其用者
 皮易衰而
 降合則肺
 虛火或示
 之生以愈
 必補土之
 制

生則成而偶以偶生則成而奇寒之氣堅故其味
 可用鹹以乘熱之氣乘故其味可用苦以堅風之
 氣散故其味可用酸以收燥之氣收故其味可用
 辛以散土兼四時行無定位無專性陰陽冲氣之
 所生故其味甘以緩洪範亦曰稼穡作甘味之成
 者為體氣之成者為用有諸體而形諸用故肝木
 者必收之而後可散非收則體不立非散則用不
 行遂致體用之偏之氣皆足以傳於不勝也偏於
 體不足者必補酸以收之偏於用不足者必補辛
 以散之故補體者必瀉其用補用者即瀉其體因

心無水赴而火
 火則則師不
 至從石行石
 發生之氣則肝
 木之氣自必
 暢其條達而古
 方用遠道散治
 木皆主中風受
 陽氣是肝主陽
 虛而用石肝補
 脾之法也
 人用此法金主天
 旺之肝而助其
 升金之太陰者
 而復升之宜其
 有升無降而生

知內經云辛補為其用也仲景云酸補為其體也
 然仲景之言亦出內經內經謂風生木木生酸酸
 生肝豈非酸乃肝之本味以本味補本體不待言
 而可知故正言時論補瀉其用之行變化者亦不
 可以為仲景相反也又云弱水壯火使金氣不行
 則肝氣自愈者水乃木之母火乃木之子此即母
 能令子虛子能令母實之義由子尅退鬼賊故也
 然不止一法又有所謂虛則補其母實則瀉其子
 二者之法常對待而立為五行逆順而設逆行則
 相勝順行則相生治相勝者則當弱水旺火治相

金鑑此條
冠首良是

原這氣陽可明
辨其陰虛
旺之肝麻如虛
宜滋陰虛則清其
母也火旺則其
實則濁其子也
氣片上逆則其
川金制水也其與
治肝補脾之法
相承差可混邪
錄吳醫案

生者則當益水瀉火。水能生木。於木虛者便當補水。水盛則木得受其所生矣。於木實便當瀉火。火退則金氣來制而水平矣。仲景謂肝虛用此。實則不用者。意則在是。觀夫內經治勝復之氣。於既復之後。兩氣皆虛。必補養安全而平定之。使餘之氣自歸其所。屬少之氣自安其所。居初勝之際。其氣為實。財濁其有餘。由是以言仲景此條之意。又未必不似於斯也。

夫人秉五常。因風氣而生長。風氣雖能生萬物。亦能害萬物。如水能浮舟。亦能覆舟。若五藏元真通暢。人

是亦作
遺
尤在經本
為血氣所
注處字

即安和客氣邪風中人多死于般疾難不越三條一
者經絡受邪入臟腑為內所因也二者四肢九竅血
脈相傳壅塞不通為外皮膚所中也三者房室金刃
蟲獸所傷以此詳之病由都盡若人能養慎不令邪
風干忤經絡適中經絡未流傳腑臟即醫治之四肢
纔覺重滯即導引吐納鍼灸膏摩勿令九竅閉塞更
能無犯王法禽獸災傷房室勿令竭乏服食節其冷
熱苦辛酸甘不遺形體有衰病則無由入其腠理腠
者是三焦通會元真之處為血氣所注理者是皮膚
臟腑之文理也

此條舉生身之氣而言所謂五常者五行經常之氣也上應列宿在地成象名曰剛柔金木水火土也在天無質名曰陰陽風寒濕熱燥火也人在氣交中秉地之剛柔以成五臟百骸之形秉天之陰陽以成六經之氣形氣合一神機發用駕行穀氣出入內外同乎天度升降浮沉應夫四時主宰於身形之中者謂之元真其外感者皆客氣也全客之氣各有正不正主氣正則不受邪不正則邪乘之客氣正則助其生長不正則害之主氣不正者由七情動中服食不節房欲過度金刃蟲獸

晚唐按舉時
而五臟之氣
者舉風而
氣盡之矣
不明於凡
例之旨則
多此贅說
矣

傷其氣血盡足以虛之客氣之不正者由氣運興
衰八風不常盡足以虛之客氣傷人或謂風寒濕
熱燥火但有德化政令行于時和則化乖則變變
則害豈獨風能生能害于物哉今仲景止言風而
不及五氣何也曰陰陽在天地間有是氣則有是
理人秉是氣卽以爲命受是理卽以爲性若仁者
乃風木之理風木乃仁之氣先儒且言仁者天地
生物之心兼統五常之性其風木者亦天地生物
號令之首必兼統五常之氣五氣莫不待其鼓動
以行變化故內經曰之化之變風之來也大抵醫

之獨言風猶儒之專言仁也。內經又曰：八風發邪，以爲經風，觸五藏，靈樞曰：虛邪不能獨傷人，必因身形之虛而後客之。又云：風寒傷人，自孫絡傳入經脈，肌肉筋骨內經內臟。仲景所謂人能慎養，不令邪中爲內外所因者，蓋取諸此以分表裏者也。非後世分三因之內因也。語同而理異。三因之內因，由七情房室虛其元真，以致經絡腠理之氣自相剋伐者也。

論此條首言元真通暢，人卽安和。末言病則無由入其腠理，蓋重陽氣以固其陰也。

問曰病人有氣色見於面部願聞其說師曰鼻頭色青腹中痛苦冷者死一云腹中冷鼻頭色微黑者有水氣色黃者胸中有寒色白者亡血也設微赤非其時者死其目正圓者瘕不治又色青爲痛色黑爲驚色赤爲風色黃者便難色鮮明者有留飲

論青者肝之色肝苦急急則痛苦冷者是厥陰挾其腎水爲寒寒極則陽亡陽亡則死微黑者腎之色也腎屬水水停則色微黑而不照若照者是水勝火而血死黃者脾之色脾主土輸穀氣於上焦以化營衛今胸中有寒穀氣不化鬱爲胃熱顯出

其黃色黃爲中焦畜熱今不謂中焦熱而爲胸中
有寒者乃指其致病之本而言也白者肺之色肺
主上焦以行營衛營之色充則面華不充則面白
知其亡血也赤爲火色若非火令之時加於白色
之上是火重來尅金也故死目通於肝眼皮屬之
脾其肺金不能制木風木得以自盛反勝脾肺是
故風急則眼皮斂澁目爲之正圓甚則筋強肉重
而成痙瘓由木賊土敗故亦不治雖然色不可一
例取則又云青爲痛者與正文義同黑爲勞者房
勞也入房太甚竭精無度情火熾而腎水乏則又

與水氣之黑異矣此屬之火也火之色雖赤然是
火發於腎水之中故不赤而反黑其黑必枯燥不
似水氣之黑黑而光澤者也赤爲風者由熱生風
子令母實故也黃爲便難者以中焦熱燥其液腸
胃不潤是以便難然是黃色必枯而不澤所以又
謂若鮮明者爲留飲留飲以津液不行滯其穀氣
化熱致黃也雖然同此論也及考夫內經其五色
又有從觀於面察于目謂面黃目青面黃目赤面
黃目白面黃目黑皆不死又謂青如翠羽赤如雞
冠黃如蟹腹白如豕膏黑如烏羽者是生色也青

如草茲赤如衄血黃如枳實黑如始煤白如枯骨
是死色也又有從五臟分部顏頰鼻頤者如刺熱
篇謂赤色是也由是推之五藏善惡之色更必有
隨其氣顯露其色各於其所司自唇鼻竅之內外
者蓋仲景欲明望色知病之道故舉此略耳

師曰病人語聲寂然喜驚呼者骨節間痛語聲喑
然不徹者心膈間病語聲啾啾然細而長者頭中病
此條舉聽五行之病聲而言所謂寂然者欲語
而默默處也夫陰靜而陽躁此病在厥陰故好寂
然也厥陰在志爲驚在聲爲呼在體爲筋筋束關

節所以厥陰之病善驚在聲爲呼則知其病在骨
節也暗暗然不徹者聲出不揚也蓋肺主氣膈乃
肺之部宗氣行呼吸入出升降於是焉語聲之不
徹則知其氣不得升是心膈之有病也啾啾者聲
小啾啾也細而長者其氣起自下焦從陰則細道
遠則長蓋是巨陽主氣少陰與之爲表裏巨陽有
邪則少陰上從而逆於巔腎在聲爲呻陽主躁故
呻吟之聲從陽變而爲啾啾細長也巨陽脈在頭
是頭中病亦仲景特發聽聲察病之一法耳若更
推而廣之則五音之宮商角徵羽五聲之歌哭笑

呻吟之變皆可求五臟表裏虛實之病五氣之邪尤醫者之當要也

師曰息搖肩者心中堅息引胸中上氣者嗽息張口短氣者肺痿唾沫

豔息者呼氣出豔類微喘而有聲也呼出心與肺今火乘肺故呼氣奔促而爲息也搖肩者肩隨息氣搖動以火主動故也其心之經脈掣引也因心中堅實之邪不得和於經脈故經脈抽掣搖動息引胸中上氣欬者胸中脈所主也宗氣之所在火炎於肺則肺收降之令不行反就燥而爲固澀

堅勁氣道不利所以上氣出于胸中者則欬也息張口短氣肺痿唾沫此又火炎於肺之甚者收降清肅之氣亡惟從火出故張口不合也宗氣亦衰而息短矣津液不布從火而爲沫唾矣此仲景因呼息以爲察病之法與後條吸對言以舉端耳然息病屬於內外者豈止此而已動搖與息相應者又寧獨在肩而已豈無陰虛以火動者焉如內經謂乳子中風熱喘鳴息肩者脈實大也緩則生急則死是又在脈別者也

師曰吸而微數其病在中焦實也當下之卽愈虛者

不治在上焦者其吸促^速在下焦者其吸遠^促此皆難治
呼吸動搖振振者不治

籩穀之精氣乃分三隧清者化營濁者化衛其一
爲宗氣留胸中以行呼吸焉呼吸固資於宗氣然
必自陰陽閤闢而爲之機於是呼出者心肺主之
吸入者腎肝主之心肺陽也腎肝陰也若中焦有
邪實則阻其升降宗氣因之不盛于上吸氣因之
不達於下中道卽還宗氣不盛則吸微中道卽還
則往來速速則數故吸而微數瀉中焦實則升降
行而吸卽平矣不因中焦實卽是腎肝之陰虛根

本不固其氣輕浮上走脫陰之陽宗氣亦衰若此者死日有期尙可治乎然則上焦固是主乎呼下焦固是主乎吸若陰陽之配合則又未始有相離者故上焦亦得而候其吸焉而心肺之道近其真陰之虛者則從陽火而升不入乎下故吸促肝腎之道遠其元陽之衰者則因於陰邪所伏卒難升上故其吸遠此屬真陰元陽之病皆難以治若夫人身之筋骨血肉脈絡皆藉陰氣之所成生氣無所尅然後得以鎮靜而爲化生之宇今陰氣憊矣生氣索矣器宇亦空矣惟呼吸之氣往來於其中

故振振動搖不自禁也若此者卽內經所謂出入廢則神機化滅是也故鍼藥無及矣

師曰寸口脈動者因其王時而動假令肝王色青四時各隨其色肝色青而反色白非其時色脈皆當病
內經有謂五臟之脈春弦夏鉤秋毛冬石強則爲太過弱則爲不足四時皆以胃氣爲本有胃氣曰平胃少曰病無胃曰死有胃而反見所勝之臟脈甚者今病微者至其所勝之時病又謂五臟之色在王時見者春蒼夏赤長夏黃秋白冬黑所主外榮之常者白當肺當皮赤當心當脈黃當脾當

肉青當肝當筋黑當腎當骨五色微診可以目察
能合脈色可以萬全其內經之言如此斯論殆將
本於是之節文也

問曰有未至而至有至而不至有至而不去有至而
太過何謂也師曰冬至之後甲子夜半少陽起少陽
之時陽始生天得溫和以未得甲子天因溫和此爲
未至而至也以得甲子而天未溫和此謂至而不至
也以得甲子而天大寒不解此謂至而不去也以得
甲子而天溫如盛夏五六月時此謂至而太過也

斷夫斗建子月中辰卽冬至節也節陽至一之氣

卽至故律管飛灰候於是日今仲景乃云冬至後
甲子夜半候以至未至者何歟殆以天干地支所
合節至之日便名甲子非直待其真甲子日至以
候氣也不然假如乙丑丙寅日冬至兩月後方是
甲子其時始候之乎考之內經候氣至不至有謂
四時者有謂五運者有謂六氣者發明詳矣至四
時則曰天以六六爲節地以九九制會六甲終歲
三百六十日法也五日爲一候三候爲一氣六氣
爲一時四時爲一歲而各從其治主焉求其氣之
至也皆從春始未至而至此爲太過則薄所不勝

乘所勝也。命曰氣滯至而不至。此爲不及。則所勝妄行。而所生受病。所不勝薄之也。命曰氣迫。然在厥應。春弦夏鉤。秋毛冬石。太過者病在外。不及者病在內。在五運相襲而皆治之。終期之日。陽年先夫而至。當歲之運氣則太過。陰年後天而至。當歲之運則氣不及。與其年和則非太過。不及而平。與司天地氣不和則勝而報復。復則鬱發待時而作。作則風濕燥熱火寒之氣非常而暴。在六氣則曰六氣之勝。清氣大來燥之勝也。風木受邪肝病生焉。熱氣大來火之勝也。燥金受邪肺病生焉。之類。

在脈應則曰厥陰之至弦少陰之至鉤少陽之至大而浮太陰之至沉陽明之至短而濇太陽之至大而長至而和則平至而甚則病至而反者病至而不至者病未至而至者病陰陽易者危然候六氣之應常以正月朔旦平明視之觀其位而知其所在而其至則從運之先天後天也由是觀之仲景言四時之定法者若遇氣運加臨主位則必將奉天政之寒溫雖與四時氣有反者難爲逆時也倏同也且經曰主勝逆客勝從又曰必先歲氣毋伐天和此又不在獨守四時之氣而叅之以運氣

者矣

師曰病人脈浮者在前其病在表浮者在後其病在裏腰痛背強不能行必短氣而極也

脈浮爲虛關前屬陽主表關後屬陰主裏所謂表者以足太陽言也裏者以足少陰言也一腑一臟是其表裏所合其太陽經自足從背至項腰者腎腑也是故表病則背強不能行裏病則腰痛短氣而極少雖然寸尺脈浮非一經一病之可盡今獨出此病何也大抵用表裏而言病必舉太陽腎爲例蓋太陽是諸陽之屬凡受邪必自此始腎是

按千金論三月

治內之主事書獨言此例以推之

傷寒按不

問曰經云厥陽獨行何謂也師曰此為有陽無陰故

可謂之

稱厥陽

此言其則

上言陽虛此言亡陰

此言其則

獨厥者猶極也獨行無陰與配也王冰註內經一

此言其則

水不勝五火謂五臟厥陽也經又謂六陽并至謂

此言其則

之至陽又云至陽盛地氣不足由是觀之火即陽

此言其則

也至陽即厥陽也獨行獨并至也皆是陰不足而

此言其則

陽盛之極者也

此言其則

問曰寸脈沉大而滑沉則為實滑則為氣實氣相搏

見經矣

師既沉矣又
多病者何也
不知此指中
風之屬也且
喜得肝而
刻解則肝
於肝而
青陽氣不
通而身冷
入於臟者內
也若身和
亦是邪不
內而外也
則散曰入
者外也

血氣入臟卽死入腑卽愈此爲卒厥何謂也師曰唇
口青身冷爲入臟卽死如身和汗自出爲入腑卽愈
沉陰象也滑陽象也陰主血陽主氣邪在於血
則血實邪在於氣則氣實故血實者脈沉氣實者
脈滑邪盛者脈大五臟治內屬陰主藏精宅神今
血氣并其邪而入堵塞於臟身之精氣不行神機
化滅升降出入之道皆絕營絕則唇白青靈樞曰
是厥陰氣絕則唇青夫六腑治外屬陽主傳用水
穀之氣充乎內外者也今血氣并邪入於腑腑陽
動不比臟之陰靜靜者得其邪則因而堵塞不行

動者邪雖入終不能久閉其氣通何則爲在內之神機應乎外主養營衛之氣則散行於表而身和和則腠理開邪散而汗自出營衛之氣行故愈矣此仲景舉陰陽臟腑之大端如此至若厥病多由難以概論內經曰血氣并走於上則爲大厥暴死者其上非膈中三焦之腑者乎而乃以氣反則愈不反則死又如邪客五絡狀若尸厥者以通脈絡爲治非頭面諸脈證爲難槩論也

問曰脈脫入臟卽死入腑卽愈何謂也師曰非爲一病百病皆然譬如浸淫瘡從口起流向四肢者可治

此中言氣即
死入腑卽愈
義

從四肢流來入口者不可治病在外者可治入裏者卽死

羈脫者去也經脈乃臟腑之隧道爲邪氣所逼故絕氣脫去其脈而入於內五臟陰也六腑陽也陰主死而陽主生所以入臟卽死入腑卽愈而可治非惟臟腑之陰陽然也凡內外陰陽之邪毒出入表裏者皆然也

問曰陽病十八何謂也師曰頭痛項腰脊臂脚掣痛陰病十八何謂也師曰欬上氣喘噦咽膈鳴脹滿心痛拘急五臟病各有十八合爲九十病人又有六微

謂

上為心肺下

謂腎藏

穀耗一本作

穀耗

經者大傳

經者論

經者論

經者論

經者論

經者論

微有十八病合為一百八病五勞七傷六極婦人三十六病不在其中清邪居上濁邪居下大邪中表小邪中裏穀耗之邪從口入者宿食也五邪中人各有法度風中於前寒中于暮濕傷於下霧傷於上風令脈浮寒令脈緊霧傷皮腠濕流關節食傷脾胃極寒傷經極熱傷絡

此總內經所著之病而為之分陰陽悉表裏合上下內外以立言庶幾經絡明腑臟著所因顯不致散而難稽也如三陽在外病頭痛等六證則各有所行之經各顯本經之證三而六之非十八乎

而三陰之在裏者亦然五臟各有十八合計爲九十病其爲病則於靈樞論心脈爲癰癧班班可考矣若六腑則何如腑居內而實合於經者也故言腑者取諸合如胃合三里大腸合巨虛上廉小腸合巨虛下廉三焦合委陽膀胱合委中央膽合陽陵泉故邪之在腑者合外於經其受患爲淺而欲散不難不若五臟之深且甚焉故曰微也其爲病內經有分屬仲景括爲一百八病蓋因腑之六以爲數也凡此共二百三十四病統內外而言之也乃專爲內因者如所謂五勞卽視久傷血等云云

也。夫行立坐卧俱不可強乃至久者必迫於所不
得已也。其爲傷孰甚焉。然後知人之有體固有以
用之也。不用則體爲不運。然使過於用則體亦太
勞而失所養矣。若七勞傷則太飽傷脾等云云也。夫
五臟各有所司。苟無以節之。或貪於可欲之事。或
任其性氣之偏。皆足害其和。而況形爲外之氣。使
志爲內之情。動乎至極者。又各極其偏之謂也。氣
血也。肌肉也。筋骨也。精神也。相均始爲無弊。設有
過則必有不及者矣。婦人三十六病。瘕居十二。謂
月不應期而所下之物不一色也。夫婦人爲陰其

痛屬腰半以下居多者以衝督任三脈之病有九痛也七害五傷三因各詳於經共爲三十六病焉然則人之病也邪有以中之也明乎所中之邪則此邪非彼邪從可識矣人之一身上下表裏盡之矣而所謂清濁大小邪者一爲霧露一爲地濁本天者親上本地者親下百病之長傷人之陽肅殺之氣傷人之陰者是也從口入者爲內傷亦足使人發熱腹痛喘嘔脹滿不去其陳而致新不足以爲功然邪之本於外中者因乎六氣乃仲景以爲五邪如風寒濕霧熱而遺燥之一氣豈非以風寒

與火皆足以成燥則燥本非一致而其情已兼三
氣之內歟夫風之傷人三時俱有若寒必于冬故
云暮其脈證詳於傷寒論中矣而仲景復詳於此
者以其統論病之陰陽不可不言天地之陰陽分
論人之五臟不可不言所淫之五邪蓋五氣之勝
在天地五行之不足在人也故曰邪之所湊其氣
必虛也

問曰病有急當救裏救表者何謂也
解曰病醫下之
續得下利清穀不止身體疼痛者急當救裏後身體
疼痛清便自調者急當救表也

尚在三字法
本俱無

先表後裏者
經也急則
重者權也
且必察其
明經推互用
之道故列條
實後下一條
以為例使學
者之自為推
廣也

謹先表後裏者不易之法也乃有救裏先於表者
豈無謂乎答曰攻表者正以裏為急也邪在表苟
不依法治之將延遲時日勢必內入而大患醫乃
不明此理下之或早或重遂使下利清穀至于不
止則裏已急矣表證雖在法當救裏裏和而表未
解仍當救表此亦一定之法也然仲景何以不言
所以救之之法耶而四逆以佐正桂枝以退邪已
詳於太陽篇中矣

夫病痼疾加以卒病當先治其卒病後乃治其痼疾
也前條有邪氣之先後此則久病之先後也

痼疾謂病已沈痼非旦夕可取效者卒病謂卒然而來新感而可取效於旦夕者乘其所入未深急去其邪不使稽留而爲患也且痼疾之人正氣素虛邪尤易傳設多瞻顧致令兩邪相合爲患不淺故仲景立言於此使後之學者知所先後也

問曰五臟病各有所得者愈五臟病各有所惡各隨其所不喜者爲病病者素不應食而反暴思之必發熱也暴全善作暴食之

五臟配五味理之正也言理之自然而見其性焉卽以見其情焉何也如仲景言臟之各得者得

其性之近也。內經則言欲非以其情乎。仲景言所惡亦以其性也。而復云不喜亦卽內經之所云苦。非以其情乎。然則五臟既各有性。則惟遂其性而情始洽焉。斯病者愈矣。使拂其性而所惡乘之。則情抑而爲病。固其常也。雖然。肝欲酸。喜其收也。又云肝欲辛。又喜其散。五臟皆然。豈其欲本有相反者耶。殊不知木曰曲直。曲直作酸。酸以固其體也。木喜條達。實近於散。辛以益其用也。天下無體不立。無用不生。體用得而自和矣。論如肝惡風。木性不喜動也。而木又自足生風。風性急。木失其養足。

以生之故又云肝苦急也苦急而肝病矣經謂急
食甘以緩之則病可愈假使忽思食苦是反得子
助而氣爲有餘則發熱可必他臟如之故五味得
其平則足以相養而無偏勝之患四時合於正則
各以相生而無不足之虞此在人之善調之也
夫諸病在臟欲攻之當隨其所得而攻之如渴者與
猪苓湯餘皆倣此

論此概言諸病在臟之屬裏者治法有下之泄之
奪之消之溫之寒之和以平之各量輕重從宜施
治務去其邪以要其正故引渴病以比類之而是

後之用字
缺佚

陰病治本
不治標於
此可見

潘道服曰

證之用猪苓湯見後消渴證中

此九字乃正文中夾注

通其正得而攻之謂治病必求其本也蓋病家不同標本
互異如本寒標熱本虛標實之類昧者但治其標斯
愈治愈劇矣如引如渴者與猪苓湯以發其例以渴
二苓澤瀉滑石非渴者所宜與因忙因熱而得結水飲
故少陰病不利止上曰本熱去寒起之時尚無口渴不眠
等症斯時非道牙水所陰高熱利家渴止可止乎故
曰解者仿此可見金匱斯篇乃仲景發凡起例為箇
傷寒論等書者暗度金針也舉一反三之助註釋家
卷一終冬隨文數行不為提醒真千古秘簡也

見病造順此理之常以條條以上獨指在藏主下專指一渴証之主
一指在胃胃為準則要知渴果止上焦燥則花粉為的藥矣如渴
在胃則當指為的藥矣如渴在陽則白虎湯宜矣如渴屬
太陽証則則五苓散宜矣唯渴在藏不專在府而宜指在湯
者則必指在陽為的藥矣所謂故仲景傷寒論中一云少陰病下
利不止日數而嘔渴心煩不得眠者猪苓湯主之一云陽明病脈
浮發熱渴欲飲水小便不利者猪苓湯主之蓋前証者陰病之
在下也後証小便不利病之在下也病在下而渴利又搏結水飲于
中故必以此利水潤燥為的藥所謂隨其証得不等之証
然指渴以此為本而不決其標蓋治藏病之規則也

金匱玉函經二註卷二

瘰癧病脈證第二

先生編次

病者身熱足寒頸項強急惡寒時頭熱面赤目赤獨
頭動搖卒口噤背反張者瘕病也若發其汗者寒濕
相搏其表益虛即惡寒甚發其汗已其脈如蛇其一云
滑而數者發其汗必愈其脈沉者不可發汗發之則身重下利不止者不可發汗

正文衍義見本卷第五頁陰

夫瘕脈按之緊如弦直上下行

築一作築而拉

正文衍義見本卷第六頁陽

脈經云瘰癧其脈伏堅直上下

正文行義見原本卷第七頁陰

太陽病發熱無汗惡寒者名曰剛瘧

正文行義見本卷第一頁陰

太陽病發熱汗出而不惡寒者名曰柔瘧

正文行義見本卷第二頁陰

太陽病無汗而小便反少氣上衝胸口噤不能語欲

作剛瘧葛根湯主之

正文湯方見本卷第八頁陽行義九頁陰

瘧為病一本瘧字胸滿口噤卧不着席脚攣急斷齒

可與大承氣湯

梁氏夢瑤謂脈反沈逆一室應是此之訛若是沈逆是表裏皆實矣加枯姜桂何為作沈數為是乃後人誤就反字而妄改不知反字乃為沈字誤

正文見本卷第九頁陽湯方行義十頁陰

太陽病其證備身體強凡凡音然脈反沉逆此為瘕

枯姜桂枝湯主之桂枝湯以解太陽之邪加枯姜桂以生津潤燥

正文見本卷第七頁陰湯方行義七頁陽

太陽病發熱脈沉而細者名曰瘕為難治

正文行義見本卷第二頁陽

夫風病下之則瘕復發沛必拘急

正文見本卷第四頁陰行義四頁陽

太陽病發汗太多因致瘕

正文行義見本卷第三頁陽

暴腹脹大者為欲解脈如故反伏弦者瘕

正文衍義見本卷第六頁陰

瘕家雖身疼痛不可發汗汗出則瘕

正文衍義見本卷第四頁陽

瘕病有灸瘕難治

正文衍義見本卷第七頁陰

濕家之為病一身盡疼

一云疼煩

發熱身色如薰黃也

正文見本卷第十一頁陰衍義十一頁陽

濕家病身疼發熱面黃而喘頭痛鼻塞而煩其脈大自能飲食腹中和無病病在頭中寒濕故鼻塞內藥

巢中則愈脈經云病人喘而無濕家病以下至而喘十三字

正文見本卷第十三頁陰衍義十三頁陽

濕家身煩疼可與麻黃加朮湯發其汗慎不可以火攻之

正文見本卷第十四頁陰湯方衍義十四頁陽

風濕相搏骨節疼痛不得屈伸近之則痛劇汗出短氣小便不利惡風不欲去衣或身微腫者甘草附子湯主之

正文見本卷第十九頁陰湯方衍義十九頁陽

濕家其人但頭汗出背強欲得被覆向火若下之早

則臧或胸滿小便不利一云利舌上如胎者以丹田有熱胸上有寒渴欲得飲而不能飲則口燥煩也

正文行義見本卷第十一頁陽

濕家下之額上汗出微喘小便利一云不利者死若下利不止者亦死

正文見本卷第十二頁陰行義十二頁陽

病者一身盡疼發熱日晡所劇者名風濕此病傷於汗出當風或久傷取冷所致也可與麻黃杏仁薏苡甘草湯

正文湯方行義見本卷第十五頁陰

風濕脈浮身重汗出惡風者防己黃芪湯主之

正文湯方行義見本卷第十六頁陰

風濕相搏一身盡疼痛法當汗出而解值天陰雨不止醫云此可發汗汗之病不愈者何也蓋發其汗汗大出者但風氣去濕氣在是故不愈也若治風濕者發其汗但微微似欲汗出者風濕俱去也

正文見本卷第十二頁陽行義十三頁陰

傷寒八九日風濕相搏身體疼痛不能自轉側不嘔不渴脈浮虛而濡者桂枝附子湯主之若大便堅小便自利者去桂加白朮湯主之

正文見本卷第十七頁陰湯方行義十七頁陽
太陽病關節疼痛而煩脈沉而細者一作緩此名濕痺
玉函云濕痺之候小便不利大便反快但當利其小
便

正文行義見本卷第十頁陽

太陽中暍發熱惡寒身重而疼痛其脈弦細花逆小
便亡洒洒然毛聳手足逆冷小有勞身即熱口開前
板齒燥若發其汗則惡寒甚加溫鍼則發熱甚數下
之則淋甚

正文見本卷第二十頁陽行義二十一頁陰

太陽中熱者渴是也汗出惡寒身熱而渴白虎加人參湯主之

正文見本卷第二十一頁陽湯方行義二十二頁陰

太陽中暍身熱疼重而脈微弱此以夏月傷冷水水行皮中所致也一物瓜蒂湯主之

正文湯方行義見本卷第二十三頁陰

金匱玉函經二証卷二

宋趙以德衍義

吳門周揚俊補註

廣寧丁思孔定

二然朱陶性校印

瘧濕腸病脈証第二

論一首脈証十
二條方計一首

太陽病發熱無汗食惡寒者名曰剛瘧

病在太陽
經故曰太陽
病若曰非寒
何謂名太陽
是寒邪得
中太陽而
病不能中
其寒矣况
瘧病有汗
傷寒過汗
而成者亦有
之耶

此論瘧病也非傷寒也非寒而何得以太陽目
之以其頭痛腰痛與太陽傷營不異故以太陽
定之然既曰太陽又何以名瘧其角弓反張正內
經之所謂瘧也瘧亦為寒因故寒鬱而熱氣閉皮
毛汗無由出全是傷營本証所異者止是不惡熱

而反惡寒爾其所以反惡寒者何也因其人先傷於濕後復感寒兩陰相合則寒雖發熱終爲濕氣挾持經絡筋節之間閉而不宜一身之陽鬱抑而不外越故身卽熱而情則惡寒也又濕在筋節則寒爲所持遂流連而不得去正氣阻滯邪氣獨留又安望其屈伸如故轉運無碍乎角弓反張有由來也名曰剛者寒氣堅勁性使然也後諸名家惟王海藏得之以擴仲景之意謂三陽太陰皆病癰項背反張屬太陽若低頭視小手足牽引肘膝相構陽明瘕也若一目或左右斜視并一手一足搐

擗者少陽瘕也。若發熱腹痛脈沉細者太陰也。此論固善矣。惜其不及少陰厥陰以全三陰之瘕。豈二藏之經不爲內外之強有類於太陰者乎。且靈樞曰足少陰之筋循脊內挾脊上至項與足太陽筋合。其病在此爲主癰瘕及瘕在外陽病者不能俛在內陰病者不能仰。此非少陰之病瘕者乎。況厥陰肝臟主筋。又豈有風寒過甚猶不自傷其筋以致其筋短者耶。是可觸而悟矣。

太陽病發熱汗出而不惡寒名曰柔瘕

是語亦出傷寒論中注爲太陽病發熱汗出爲

表虛則當惡寒其不惡寒者爲陽明病今發熱汗出而不惡寒者非陽明證則是太陽中風重感於濕爲柔瘕也表虛感濕故曰柔瘕卽上條所引內經爲表裏兼濕內攻太筋腠短小筋弛長之瘕也所謂柔瘕者非不強也但剛瘕強而有力柔瘕強而無力爲異爾

太陽病發熱脈沉而細者名曰瘕爲難治

論

此條常出傷寒論瘕病篇彼不言難治於是成

無已止注其重感於濕意殆以沉而細係寒濕之本脈故不言其難治設不因寒濕之邪而沉細見

於太陽發熱之表病則是陽病見陰脈誠爲難矣
若朱奉議以瘧病脈盡沉遲弦細者非也如脈經
云脈沉細名曰陽中之陰少陰陰氣不通爲瘧病
發熱者殆與此無少異爾

論太陽陽經也發熱陽證也何以知爲瘧以有或
剛或柔之證見也脈沉與細陰脈也沉爲少陰本
脈而復不能鼓之使顯乃有如絲者來去其間則
是無陽中又屬陰虛矣何也惟無陽令沉無陰因
細也陽證陰脈豈易治乎嘉言爲難治初非不治
比類而觀則仲景少陰例中原有麻黃附子細辛

湯之法余以爲不可也。蓋始得之反發熱脈沉者以脈沉是本而發熱爲標。是少陰兼太陽之表。猶易爲力也。若夫太陽顯少陰之脈有不難爲功者乎。況較少陰更多一細乎。雖然後條太陽病脈亦沉細何以不云難治。以有濕也。濕不但細宜卽沉并宜矣。然則又何以知其病之非濕乎。濕必流於關節。今關節無疼痛故知之。

太陽病發汗太多因致瘕

斷成無已註傷寒論謂發汗太多則亡陽陽氣者精則養神柔則養筋陽微不能養則筋脈緊急而

成瘧雖然發汗之陽陽亡寒起致緊急而爲瘧固也然發汗復爲瘧者難以緊急槩言發汗必用辛熱之劑汗雖出熱不爲汗解反得辛熱之劑以助之熱愈甚而拘攣其筋脈亦有之又如傷寒論中有云傷寒頭痛翕翕發熱形象中風常微汗出自嘔者不可發汗發汗則成瘧身強難以屈伸註云傷寒當無汗惡寒今頭痛發熱微汗自嘔則傷寒之邪傳而爲熱欲行於裏若發汗則虛其表熱歸經絡熱甚風生故身強直爲瘧

夫風病下之則瘧復發汗必拘急

筋者肝之合脈者心之合風內應於肝外應於筋熱內應於心外應於脈是故風病而成熱者其邪氣卽以應筋脈若更下之則虛其陰復汗之則虛其陽陰虛則營血微筋無養而成瘧陽虛則衛氣衰脈無養而拘急

瘧家雖身疼痛不可發汗汗出則瘧

此條亦見傷寒註謂表虛聚熱則生瘧瘧家身疼如傷寒不可發汗發汗則表愈虛熱愈甚虛熱生風故變瘧也雖然瘧已以其熱從腠理開汗出而散之可也

1997, 1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2170, 2171, 2172, 2173, 2174, 2175, 2176, 2177, 2178, 2179, 2180, 2181, 2182, 2183, 2184, 2185, 2186, 2187, 2188, 2189, 2190, 2191, 2192, 2193, 2194, 2195, 2196, 2197, 2198, 2199, 2200, 2201, 2202, 2203, 2204, 2205, 2206, 2207, 2208, 2209, 2210, 2211, 2212, 2213, 2214, 2215, 2216, 2217, 2218, 2219, 2220, 2221, 2222, 2223, 2224, 2225, 2226, 2227, 2228, 2229, 2230, 2231, 2232, 2233, 2234, 2235, 2236, 2237, 2238, 2239, 2240, 2241, 2242, 2243, 2244, 2245, 2246, 2247, 2248, 2249, 2250, 2251, 2252, 2253, 2254, 2255, 2256, 2257, 2258, 2259, 2260, 2261, 2262, 2263, 2264, 2265, 2266, 2267, 2268, 2269, 2270, 2271, 2272, 2273, 2274, 2275, 2276, 2277, 2278, 2279, 2280, 2281, 2282, 2283, 2284, 2285, 2286, 2287, 2288, 2289, 2290, 2291, 2292, 2293, 2294, 2295, 2296, 2297, 2298, 2299, 2300, 2301, 2302, 2303, 2304, 2305, 2306, 2307, 2308, 2309, 2310, 2311, 2312, 2313, 2314, 2315, 2316, 2317, 2318, 2319, 2320, 2321, 2322, 2323, 2324, 2325, 2326, 2327, 2328, 2329, 2330, 2331, 2332, 2333, 2334, 2335, 2336, 2337, 2338, 2339, 2340, 2341, 2342, 2343, 2344, 2345, 2346, 2347, 2348, 2349, 2350, 2351, 2352, 2353, 2354, 2355, 2356, 2357, 2358, 2359, 2360, 2361, 2362, 2363, 2364, 2365, 2366, 2367, 2368, 2369, 2370, 2371, 2372, 2373, 2374, 2375, 2376, 2377, 2378, 2379, 2380, 2381, 2382, 2383, 2384, 2385, 2386, 2387, 2388, 2389, 2390, 2391, 2392, 2393, 2394, 2395, 2396, 2397, 2398, 2399, 2400, 2401, 2402, 2403, 2404, 2405, 2406, 2407, 2408, 2409, 2410, 2411, 2412, 2413, 2414, 2415, 2416, 2417, 2418, 2419, 2420, 2421, 2422, 2423, 2424, 2425, 2426, 2427, 2428, 2429, 2430, 2431, 2432, 2433, 2434, 2435, 2436, 2437, 2438, 2439, 2440, 2441, 2442, 2443, 2444, 2445, 2446, 2447, 2448, 2449, 2450, 2451, 2452, 2453, 2454, 2455, 2456, 2457, 2458, 2459, 2460, 2461, 2462, 2463, 2464, 2465, 2466, 2467, 2468, 2469, 2470, 2471, 2472, 2473, 2474, 2475, 2476, 2477, 2478, 2479, 2480, 2481, 2482, 2483, 2484, 2485, 2486, 2487, 2488, 2489, 2490, 2491, 2492, 2493, 2494, 2495, 2496, 2497, 2498, 2499, 2500, 2501, 2502, 2503, 2504, 2505, 2506, 2507, 2508, 2509, 2510, 2511, 2512, 2513, 2514, 2515, 2516, 2517, 2518, 2519, 2520, 2521, 2522, 2523, 2524, 2525, 2526, 2527, 2528, 2529, 2530, 2531, 2532, 2533, 2534, 2535, 2536, 2537, 2538, 2539, 2540, 2541, 2542, 2543, 2544, 2545, 2546, 2547, 2548, 2549, 2550, 2551, 2552, 2553, 2554, 2555, 2556, 2557, 2558, 2559, 2560, 2561, 2562, 2563, 2564, 2565, 2566, 2567, 2568, 2569, 2570, 2571, 2572, 2573, 2574, 2575, 2576, 2577, 2578, 2579, 2580, 2581, 2582, 2583, 2584, 2585, 2586, 2587, 2588, 2589, 2590, 2591, 2592, 2593, 2594, 2595, 2596, 2597, 2598, 2599, 2600, 2601, 2602, 2603, 2604, 2605, 2606, 2607, 2608, 2609, 2610, 2611, 2612, 2613, 2614, 2615, 2616, 2617, 2618, 2619, 2620, 2621, 2622, 2623, 2624, 2625, 2626, 2627, 2628, 2629, 2630, 2631, 2632, 2633, 2634, 2635, 2636, 2637, 2638, 2639, 2640, 2641, 2642, 2643, 2644, 2645, 2646, 2647, 2648, 2649, 2650, 2651, 2652, 2653, 2654, 2655, 2656, 2657, 2658, 2659, 2660, 2661, 2662, 2663, 2664, 2665, 2666, 2667, 2668, 2669, 2670, 2671, 2672, 2673, 2674, 2675, 2676, 2677, 2678, 26

時開此皆加之風濕故卒口噤也風寒客於足太

倉一
倉云
其水

陽故筋脈拘急頭項強背反張也此證出傷寒論中其衍文者無發其汗已後二十五字

愚按金匱有此則所重者正在此二十五字矣豈可無以註之乎故謂瘧病之發其汗者誤也誤則陽氣徒虛而邪不復出且反以動其濕而濕不去兩相搏聚蒂固根深遂使衛氣更虛較之未汗前之惡寒爲尤甚矣試言其脈則因誤汗逼令真陽脫入濕中所以形容其如蛇也言脫出之陽本疾急親上輕矯若龍爲濕氣所紐則遲滯如蛇之象儘力奔迸究竟不能奮飛矣此脈之至變義之至

精者也

三
暴腹脹大者爲欲解脈如故反伏弦者瘥

論肝在五行爲木在六氣爲風所勝之者燥金不勝之者爲濕土若金旺則木受制而鬱矣木鬱必發發則從火過其所不勝之中土故脾土得木火而腹爲暴脹大如內經所謂厥陰在泉者腹脹與諸腹脹大皆屬於熱者同類也是故以腹之暴脹因知木之鬱於脾者也已出之脾而木氣行矣火與俱而燥金之氣退矣金退水行故曰欲解解則其脈行應脈大今不浮大而如故反伏弦者則是

風猶鬱在肝而自病其所合之筋脈已成瘳矣此
條暴脹之先不見叙證遽曰欲解必有所解之病
在也

二

大瘳脈按之緊如弦直上下行

一作築築而弦

瘳瘳病由風寒互爲之重感於邪寒脈則緊風脈
則弦是本脈也脈經謂直上下行者督脈也見之
則大人顛小兒癇二者盡爲背反張由督脈與太
陽合行於脊裏相引而急故顯出督脈之象也今
瘳強無異於癲癇之背反張者是亦相干於督脈
而見其上下行之象矣

愚按此條一本無

瘧病有灸瘡難治

瘧瘧病有風熱燥急其筋骨不當復灸以火且助火深入風熱得之愈固而不散所以難治

脈經云瘧家其脈伏堅直上下

內經謂脈沉而堅病在中今所伏非沉者歟堅非如腎之彈石者歟此兩條出脈不出證殆爲前條明其表此見其病在內外如內經之柔瘧骨強之類也

太陽病其證備身體強凡凡如然脈反沉遲此爲瘧括萎桂枝湯主之

括婁桂枝湯方

括婁根二兩

甘草三兩

芍藥二兩

桂枝二兩

生薑二兩

大棗十三枚

右六味以水九升煮取三升分溫三服取微汗汗不出食頃啜熱粥發之

論謂太陽病其證備是何證之備也大抵太陽經脈自足上行循背至頭項此是其所過之部而爲之狀者皆是其證也考之傷寒論有謂太陽病項背強几几然反汗出惡風者桂枝加葛根湯主之亦是其一也正與此同而少異者彼以汗出惡風

其脈必浮此言脈沉遲必汗不出不出則亦不惡風故不加葛根而加栝蒌根俱是益津和血養筋之劑彼之几几然項背強雖未至於瘳然經脈已拘急不利於運動故用葛根之甘行陽從表分衛中以生津液和其經脈沉遲汗必不出不出則亦不惡風則是病在表之營血分營血陰也其體沉其行遲所以脈應其象外息於寸口內不養於筋經故瘳強之病作焉所以栝蒌根味苦入陰用以生營血益陰分津液養其筋經者爲君桂枝之辛以散芍藥之酸以收一陰一陽在裏在表者爲臣

甘草薑棗合辛甘之味行脾之津液而和營衛者

爲使立方之旨其在斯歟

太陽病無汗而小便反少氣上衝胸口噤不能語欲

作剛瘕葛根湯主之

葛根湯方

葛根

四兩

麻黃

去節

生薑

各三兩

桂皮

去

甘草

炙

芍藥

各二兩

大棗

十二枚

右七味咀咬以水七升先煮麻黃葛根減二升去沫內諸藥煮取三升去滓溫服一升覆取微似汗不須啜粥餘如桂枝湯法將息及禁忌

醫按傷寒論中有太陽病項背強几几無汗惡風
葛根湯主之。註曰輕可去實以中寒表實故加麻
黃葛根以祛風桂枝湯以和表也。今以小便反少
氣上衝胸口噤不能語欲作剛痙者亦用之何也
蓋太陽欲入傳陽明然陽明不受邪故氣逆上衝
胸而陽明筋脈內結胃口外行胸中過人迎環唇
口以其經多氣多血胸中肺部也上焦主分布津
液行水道今太陽與陽明熱并胸中故水道不行
則小便少津液不布則無汗人迎在結喉兩旁近
會厭發聲機關之處由陽明所過筋脈遇所并之

熱遂攣急牽引以口噤不能語欲作剛瘕胸中近
表論其在上則屬太陽論其居前則屬陽明宜乎
是方治其兩經之病也何以言之蓋葛根本陽明
經藥能生津出汗行小便解肌易老云太陽初病
未入陽明不可使服葛根是引賊破家也又云用
此以斷太陽之路卽是開發陽明經氣以卸太陽
傳入之邪也故仲景治太陽陽明合病桂枝湯加
麻黃葛根也

瘕爲病一本瘕字胸滿口噤卧不着蓆脚攣急必斷
齒可與大承氣湯

大承氣湯方

大黃

四兩酒洗

厚朴

半斤炙去皮

枳實

五枚炙

芒硝

三合

右四味以水一斗先煮二物取五升去滓內大黃煮取二升去滓內芒硝更上微火一二沸分溫再服得下止服

鑑此傳陽明風熱之深者也無已謂傷寒證以陽明人臍腹滿者下之而胸滿者未深入猶帶表邪所鬱陽氣不宜故爾非汗卽吐然而未論及此瘕病之胸滿也胸滿豈可一概而言帶表乎有表則屬表有裏則屬裏若此背不着席齧齒與項肩強

口禁之屬表者不同由熱入甚深之所致故此言
胸滿亦熱之極也況風熱燥燥津液陰血消亡至
於下焦屬陰之筋脈皆攣急矣然其熱入深者非
苦鹹寒下之不足以除其熱救其陰夫傷寒病瘕
瘕者以熱生風而搐尚爲難治況此甚於搐者非
下之不能療也然亦有不治者若靈樞熱而瘕者
死腰折瘕瘕齒齬也

太陽

病關節疼痛而煩脈沉而細者

一作此名濕痺

玉函云

濕痺之候小便不利大便反快但當利其

證此證出傷寒論註云霧傷皮腠濕流關節疼痛

而煩者濕氣內留也濕同水也脈沉而細者水性趨下也痺痛也因其關節煩疼而名曰濕痺非腳氣之痺也內經曰濕勝則濡泄小便不利大便反快者濕氣內鬱勝也但當利其小便以宣泄腹中濕氣故云治濕不利便非其治也雖然大抵此爲小便通陽氣行水道今爲濕氣內勝陽氣被鬱故小便不利利之則陽氣行雖在關節之濕亦得宣泄矣設小便利已而關節之痺不去必又自表治之

濕家之爲病一身盡疼

一云發熱身色如薰黃也

煩

證此證見傷寒註曰色黃如橘子色者陽明瘀熱也此身色似薰黃卽非陽明瘀熱者梔子柏皮主之爲表裏有熱則身不疼痛此一身盡痛非傷寒客熱也知濕邪在經而使之脾惡濕濕傷則脾病而色見是以身發黃者爲在黃如烟薰非正黃也色濕家其人但頭汗出背強欲得被覆向火若下之早則噦或胸滿小便不利一云利舌上如胎者以丹田有熱胸中有寒渴欲得飲而不能飲則口燥煩也

證按傷寒論成無已註曰濕家有風濕有寒濕此寒濕相搏者也濕勝則多汗傷寒則無汗寒濕相

搏雖有汗而不能周身故但頭汗出也背陽也腹陰也太陽之脈挾脊抵腰太陽客寒濕表氣不利而背強也裏有邪者外不惡寒表有邪者則惡寒欲得被覆向火者寒濕在表而惡寒也若下之蚤則傷動胃氣損其津液故致噦而胸滿小便不利下後裏虛上焦陽氣因虛而陷於下焦爲丹田有熱表中寒乘而入於胸中胸中有寒故使舌上生白胎滑臍燥則欲飲水以胸中客寒濕故不能飲而但口燥煩也

濕家下之額上汗出微喘小便利不利者死若下利

不止者亦死

醫傷寒論註曰本是後條濕家身煩疼可與麻黃
加朮四兩發其汗妄下之因致此逆蓋逆則真陽
自上越陰自下脫其額上汗出微喘者陽之越小
便利與下利不止者陰之脫也陰陽離決必死之
兆也自此而推之下之雖額上汗出微喘若大小
便不利者是陰氣不退而陽之根猶在也下之雖
大小便利若額上無汗出與喘是陽氣不越而陰
之根猶在也則非離決可以隨其虛而救之

風

濕相搏一身盡疼痛法當汗出而解值天陰雨不

止醫云此可發汗汗之病不愈者何也蓋發其汗汗
大出者但風氣去濕氣在是故不愈也若治風濕者
發其汗但微微似欲汗出者風濕俱去也

翻按傷寒論註是條曰值天陰雨不止明其濕勝
也內經曰陽受風寒陰受濕氣又云傷於風者上
先受之傷於濕者下先受之風濕相搏則風在外
而濕在內汗大出者其氣暴暴則外邪出而裏邪
不能出故風去而濕在汗微微而出者其氣緩緩
則內外之邪皆出故風濕俱去也

濕家病身疼發熱面黃而喘頭痛鼻塞而煩其脈大

自能飲食腹中和無病病在頭中寒濕故鼻塞內藥

鼻中則愈脈經云病人喘而無濕家病以下至而喘十三字

證按傷寒論是條註曰病有淺深證有內外此則濕氣淺者也何以言之濕家不云關節煩疼而云身上疼痛是濕氣不流關節而外客肌表也不云發熱身似熏黃復云發熱面黃而喘是濕不干於脾而薄於上焦也陰受濕氣則濕邪為深今頭痛鼻塞而煩是濕邪客於陽而不客於陰也濕家之脈沉細為濕內流今脈大者是濕不內流而在表也又以自能飲食胸腹別無滿痞為腹中和無病

知其濕氣微但內藥鼻中以宣通頭中寒濕是註
其理明且盡矣若夫脈經之無身上疼痛十三字
豈無其說乎頭痛鼻塞其痛在頭身上疼痛發熱
其病在經脈內藥鼻中者爲去頭中寒濕故減十
三字爾然則三陽經皆上於頭太陽與陽明俱到
鼻額今頭上寒濕而鼻爲之塞也則二經脈皆不
通鬱而發熱身無疼痛內藥鼻中如瓜蒂散之屬
頭上之濕散則二陽之經脈行而病可盡愈矣
濕家身煩疼可與麻黃加朮湯發其汗爲宜慎不可
以火攻之

麻黃湯加木湯方
治身煩疼者

者臣不素風寒

麻黃節

桂枝

去皮各二兩

甘草一兩

白朮

四兩

治身煩疼者

杏仁

七十個
去皮尖

治身煩疼者

右五味以水九升先煮麻黃減二升去上沫內諸

治身煩疼者

藥煮取二升半去滓溫服八合覆取微似汗

治身煩疼者

此為氣濕之邪蓋邪者濕與寒合故令人身疼

治身煩疼者

大法表實成熱則可發汗無熱是陽氣尚微汗之

治身煩疼者

恐虛其表今是證雖不云發熱而煩已生煩由熱

治身煩疼者

也所以服藥不敢大發其汗且濕亦非暴汗可散

治身煩疼者

故用麻黃湯治寒加木去濕使其微汗爾然濕邪

汗出不止者不可火攻火攻則增其熱必有
痼疾者不可用藥
痼疾者不可用藥
痼疾者不可用藥
痼疾者不可用藥
痼疾者不可用藥
痼疾者不可用藥
痼疾者不可用藥
痼疾者不可用藥
痼疾者不可用藥
痼疾者不可用藥

在表者惟可汗之不可火攻火攻則增其熱必有

痼疾者一身盡疼發熱日晡所劇者名風濕此病傷於

汗出當風或久傷取冷水所致也可與麻黃杏仁薏

苡甘草湯

麻黃杏仁薏苡甘草湯方

麻黃去節半兩甘草炙一兩薏苡仁半兩杏仁十個去

右剉麻豆大每服四錢水一盞半煮八分去滓溫

服有微汗避風

按傷寒論註曰身盡疼痛濕也發熱日晡而劇

者風也若汗出當風而得之者則先客熱而後感風若久傷取冷得之者則先傷風而後中濕註文若是其謂日晡而劇爲風者則義未了予按內經太陰陽明論曰太陰陽明爲表裏脾胃脈也外合肌肉故陽受風氣陰受濕氣所以風濕客之則一身肌肉盡痛夫陽氣者一日而主外平旦陽氣生屬少陽日中陽氣隆屬太陽日西氣門內閉屬陽明是故陽明之氣主乎申酉所以日晡而劇也方用麻黃治寒濕取汗爲主杏仁利氣薏苡仁除風熱濕痺爲臣甘草和脾胃解肌肉爲使

身重汗出惡風者防已黃芪湯主之

防已黃芪湯方

防已

一兩

甘草

半兩

白朮

七錢五分

黃芪

一兩一分去蘆

右剉麻豆大每抄五錢七生薑四片大棗一枚水
盞半煎八分去滓溫服良久再服 喘者加麻黃
半兩胃中不和者加芍藥三分 氣上衝者加桂
枝三分 下有陳寒者加細辛三分 服後當如
蟲行皮中從腰下如冰後坐被上又以一被繞腰
下溫令微汗差

此證風濕皆從表受之其病在外故脈浮汗出

凡身重有肌肉痿而重者有骨痿而重者此之身
重乃風濕在表故不作疼虛其衛氣而濕着爲身
重由是以黃芪實衛甘草佐之防已去濕白朮佐
之然則風濕二邪獨無散風之藥何耶蓋汗多知
其風已不留以表虛而風出入乎其間因之惡風
爾惟實其衛正氣壯則風自退此不治而治者也
若其有喘者濕中兼寒也則加麻黃以散之若風
內應肝木傷其胃中不和者則加芍藥以瀉之芍
藥味酸能自土中瀉木若氣上衝者則加桂枝以
散其逆若下有陳寒者謂下焦肝腎之分則加細

辛以溫之細辛散裏之表藥也服後云云者方中
今作一段然考之當在下有陳寒加細辛之後連
爲一段何則細辛佐防已去寒濕黃芪實表表尚
全實則濕不退所以皮中如蟲行表實未全則陽
氣未周於是從腰以下其陳寒者猶得如冰必以
被令溫助接其陽使之微汗

傷寒八九日風濕相搏身體疼痛不能自轉側不嘔
不渴脈浮虛而濇者桂枝附子湯主之若大便堅小
便自利者去桂加白朮湯主之

桂枝附子湯方

桂枝

四兩 去皮

生薑

三兩 切

附子

三枚 炮去 皮 破入片

甘草

二兩 炙

大棗

十二枚 擘

右五味以水三升煮取一升去渣分溫三服

白朮附子湯方

白朮

二兩

附子

一枚 半 炮去皮

甘草

一兩 炙

生薑

半兩 切

大棗

六枚

右五味以水三升煮取一升去滓分溫三服一服

覺身痺半日許再服三服都盡其人如冒狀勿怪

卽是朮附並走皮中逐水氣未得除故爾

繡按是證亦出傷寒論其註曰傷寒與中風至八

九日邪氣多在裏必不苦疼痛今日數多復身體
疼煩不能自轉側者風濕相搏也煩者風也身疼
不能自轉側者濕也脈浮虛爲風濇爲寒濕也不
渴不嘔裏無邪也風濕俱在經也與桂枝附子湯
以桂枝散表之風附子逐經中之濕小便利大便
堅爲津液之不足桂枝發汗走津液故去之而加
白朮雖然自病而察藥自藥而察病因知身之不
能自轉側者非惟濕邪所致也亦爲陽氣不充筋
脈無養故動之不能也欲去陽氣下充之濕者必
以辛熱氣味之藥則可補其陽而逐其濕與治傷

寒同法是證之用附子者殆此歟於是雖大便堅而不爲熱結者亦用之如後條身疼不能屈伸用附子甘草湯治者亦此意不然身疼脈浮爲病在經又不言其有汗必取汗而解乃云其服藥如胃者得非陽虛不勝夫邪藥之相逐而然哉

圖傷寒至八九日亦云久矣既不傳經復不入腑者因風濕持之也所顯外證煩疼者風也不能轉側者濕也不嘔不渴者無裏證也其脈浮虛而濇正與相應然後知風濕之邪在肌肉而不在筋節故以桂枝表之不發熱爲陽氣素虛故以附子逐

濕兩相結合自不能留矣然在經曰傷于濕者必
小便不利大便反快今其人與此相反者知膀胱
之氣化無傷而胃腑之津液已耗也又安取於桂
枝之散布乎加白朮者所以安胃也然白朮性燥
仲景何以復燥其結耶殊不知內已結者邪入必
易況外無熱證必濕多風少可知矣設濕氣內入
將有初鞭後澀之慮故用朮草以和中氣仍薑附
以驅外邪略轉易間便是因人而施之大道也然
則人病何常精神不等仲景何能逐一以告耶
大風濕相搏骨節疼痛掣痛不得屈伸近之則痛劇汗

出短氣小便不利惡風不欲去衣或身微腫者甘草附子湯主之

甘草附子湯方

甘草

二兩炙

附子

二枚炮去皮

白朮

二兩

桂枝

四兩去皮

右四味以水六升煮取三升去滓溫服一升日三服初服得微汗則解能食汗出復煩者服五合恐一升多者服六七合爲妙

翻此亦出傷寒論其註曰風則傷衛濕流關節風濕相搏而邪亂經故骨節痛煩掣痛不得屈伸近之則痛劇也風勝則衛氣不固汗出短氣惡風不

欲去衣爲在表濕勝則水氣不行小便不利或身微腫爲濕外薄也與湯散濕溫經固衛觀夫此方與前意同但此不用葦棗爲汗出更不發之白朮以去濕取汗益短氣也

調此條方是風行於皮毛關節之間濕流於腠理筋骨之際阻遏正氣不令宣通遂致痛不可近不得屈伸此其徵也汗出短氣惡風不欲去衣邪風襲入而中衛之正氣俱虛也小便不利身微腫者中外爲濕所持而膀胱之化不行也安得不以甘草和中桂附去邪耶然此證較前條更重且裏已

受傷曷爲反減去附子耶前條風濕尚在外在外者利其速去此條風濕半入裏入裏者妙在緩攻仲景正恐附子多則性猛且急骨節之竅未必驟開風濕之邪豈能托出徒使汗大出而邪不盡爾君甘草者欲其緩也和中之力短戀藥之用長也此仲景所以前條用附子三枚者分三服此條止二枚者初服五合恐一升爲多宜服六七合全是不欲盡劑之意學者於仲景書有未解卽于本文中求之自得矣

太陽中暍發熱惡寒身重而疼痛其脈弦細乳遲小

便已洒洒然毛聳手足逆冷小有勞身卽熱口開前板齒燥若發其汗則惡寒甚加溫鍼則發熱甚數下之則淋甚

論按是證亦出傷寒論其註曰病有在表有在裏有表裏俱病者發熱惡寒身重疼痛者表中暍也脈弦細孔遲者中暑脈虛也小便已洒洒毛聳手足逆冷者太陽經氣不足也小有勞身卽熱者謂勞其陽氣而暍卽發也口開前板齒燥者裏有熱也口開爲喘喝也以喘喝不止故前板齒乾燥若發汗以去表邪則外虛陽氣故惡寒甚若以溫鍼

助陽則火熱內攻故發熱甚若下之以除裏熱則
內虛而膀胱燥故淋甚註雖已解過治之失於當
救之道則未明予嘗思之此證屬陰陽俱虛脈弦
細者陽虛也芤遲者陰虛也所以溫鍼復損其陰
汗之復傷其陽此證惟宜甘藥補正以解其熱爾
卽靈樞所謂陰陽俱不足補陽則陰竭補陰則陽
脫可將以甘藥不可飲以剛劑

太陽中熱者渴是也汗出惡寒身熱而渴白虎加人
參湯主之

白虎加人參湯方

是藥去胸中之水乎蓋內經有形寒飲冷則傷肺
況皮乃肺之所合內外相應且瓜蒂又治四肢浮
腫下水而冷水之在皮中者不惟灌洗得散而飲
冷停水者亦得散於皮中故兩者皆得而用之嘉
言合論治暈用白虎加人參湯瓜蒂湯二方

論金匱治暈病止出二方一者白虎加人參湯專
治其熱以夏月之熱淫必僭而犯上傷其肺金耗
其津液用之以救肺金存津液也孫思邈之生脈
散李東垣之清暑益氣湯亦既祖之矣一者瓜蒂
散端治其濕以夏月之濕淫上甚爲熱亦先傷其

肺金故外漬之水得以聚於皮間皮者肺之合也
用以搗其胸中之水或吐或瀉而出則肺氣得以
不壅而皮間之水得以下趨也何後人但宗仲景
五苓散爲例如河間之通苓散子和之桂苓甘露
湯非不得導濕消暑之意求其引伸瓜蒂湯之制
以治上焦濕熱而清肺金則絕無一方矣抑知無
形之熱傷其肺金則用白虎加人參湯救之有形
之濕傷其肺金則用瓜蒂湯救之各有所主也